

Novčane kazne iz st. 1. i 2. ovog članka plaćaju se u DEM ili u protuvrijednosti valute Bosne i Hercegovine po srednjem tečaju koji utvrđuje i objavljuje Središnja banka Bosne i Hercegovine, na dan plaćanja.

Novčane kazne iz st. 1. i 2. ovog članka mogu se plaćati u valutama koje se koriste u platnom prometu Federacije BiH, a tečajni kurs utvrđuje se na temelju podataka Središnje banke Bosne i Hercegovine i mjerodavne financijske institucije.

Članak 9.

Ovaj zakon stupa na snagu osam dana od dana objavljivanja u "Slu. benim novinama Federacije BiH" i primjenjivat će se do reguliranja ove materije na razini dr. ave Bosne i Hercegovine.

Predsjedatelj
Doma naroda
Mariofil Ljubić, v. r.

Predsjedatelj
Zastupničkog doma
Enver Kreso, v. r.

ZAKON O PODSTICAJNIM I ZAŠTITNIM MJERAMA DOMAĆE PROIZVODNJE

Član 1.

Ovim zakonom uređuju se metodi i principi uvođenja podsticajnih i zaštitnih mjera, radi ujednačavanja uslova na tr. ištu proizvoda iz domaće proizvodnje sa istim ili sličnim proizvodima iz uvoza.

Član 2.

Pod podsticajnim i zaštitnim mjerama iz člana 1. ovoga zakona podrazumijevaju se:

- podsticajne i zaštitne ekonomske mjere za određene grane ili proizvode u domaćoj proizvodnji;
- mjere plaćanja posebnih naknada, kao dodatnog opterećenja nabavne cijene robe iz uvoza.

Član 3.

Podsticajne i zaštitne ekonomske mjere su:

1. oslobađanje plaćanja obaveza za carine i carinska davanja za opremu, tehnologiju i repromaterijale koji se koriste u procesu određene proizvodnje;
2. oslobađanje plaćanja dijela obaveza za poreze na plaće radnika,
3. oslobađanje plaćanja dijela poreza na dobit;
4. podsticanje većeg obima proizvodnje i kvaliteta proizvoda putem subvencioniranja, regresiranja i slično;
5. uvođenje zaštitnih mjera u poljoprivrednoj proizvodnji strateških proizvoda propisivanjem minimalnih otkupnih i garantovanih cijena;
6. mjere monetarno-kreditne politike usmjerene na podsticaj i zaštitu domaće proizvodnje;
7. uvođenje privremenih mjera plaćanja posebnih naknada, kao dodatnog opterećenja nabavne cijene robe koja se uvozi.

Član 4.

Pri uvođenju podsticajnih i zaštitnih mjera iz prethodnog člana (oslobađanje plaćanja obaveza za carine, poreze i sl.), u skladu sa posebnim propisima, kojima je utvrđena nadležnost odgovarajućih organa, Vlada Federacije Bosne i Hercegovine (u daljem tekstu: Vlada) pokreće i prati njihovo uvođenje i primjenu.

Ako nadležnost organa za uvođenje nekih od navedenih mjera nije utvrđena, Vlada je dužna da sama utvrdi i propiše podsticajne i zaštitne mjere domaće proizvodnje u skladu sa ovim zakonom.

Član 5.

Proizvođači ili njihova udruženja koja ele da ostvare prava po osnovu podsticanja i zaštite domaće proizvodnje, a ispun-

javaju uslove za ostvarivanje tog prava, podnose zahtjev da se za određeno vrijeme uvede podsticajna i zaštitna mjera utvrđena u članu 3. ovog zakona.

Uz zahtjev za uvođenje podsticajnih i zaštitnih mjera iz prethodnog stava, podnosioc zahtjeva prilaže program mjera koji sadrži mjere koje bi dovele proizvođača u konkurentne uslove poslovanja i neutralisale disparitet njegovih tr. išnih cijena i to:

- analizu postojećeg stanja proizvodnje u kojoj se ukazuje na razloge koji su uslovili takvo stanje;

- mjere koje je proizvođač ili njihovo udruženje preduzelo do dana podnošenja zahtjeva u cilju smanjenja dispariteta cijena svojih proizvoda u odnosu na uvezene proizvode istog ili približnog kvaliteta;

- kalkulaciju cijene koštanja, odnosno prodajne cijene proizvoda do podnošenja zahtjeva;

- prijedlog mjera podsticanja i zaštite, koje bi proizvođača ili njegovo udruženje, nakon određenog perioda za koji se uvode ove mjere, dovelo u stanje daljnje proizvodnje po tr. išnim uslovima;

- kalkulaciju cijene koštanja, odnosno prodajne cijene, po elementima cijene, ostvarenim provođenjem zaštitnih mjera;

- period primjene podsticajnih i zaštitnih mjera nakon kojeg proizvođač ili njihovo udruženje stiče uslove za konkurentnu proizvodnju, a time i prestanak primjene ovih mjera.

Zahtjev iz stava 1. ovog člana podnosi se putem resornog ministarstva Federalnom ministarstvu trgovine.

Član 6.

Poslije prijema zahtjeva iz prethodnog člana resorno ministarstvo ga uz svoje mišljenje proslijeđuje Federalnom ministarstvu trgovine koje utvrđuje činjenice i nakon usaglašavanja mišljenja s nadležnim ministarstvom, sačinjava program podsticajnih i ekonomskih mjera sa prijedlogom Vladi da pokrene postupak za uvođenje ovih mjera kod nadležnog organa. Ako nadležnost organa za uvođenje nekih od ovih mjera nije utvrđena, Vlada sama utvrđuje i propisuje podsticajne i zaštitne mjere iz podnesenog programa.

Član 7.

Nadzor nad provođenjem odredaba ovog zakona vrši Federalno ministarstvo trgovine.

Član 8.

Novčanom kaznom od 2.000 do 10.000 DEM kazniće se za privredni prestop preduzeće ako ne optereti nabavnu cijenu robe iz uvoza posebnom naknadom (član 3.).

Za radnju iz stava 1. ovog člana kazniće se za privredni prestop i odgovorno lice u preduzeću novčanom kaznom od 200 do 500 DEM.

Novčane kazne iz st. 1. i 2. ovog člana plaćaju se u DEM ili u protuvrijednosti valute Bosne i Hercegovine po srednjem tečaju koji utvrđuje i objavljuje Centralna banka Bosne i Hercegovine, na dan plaćanja.

Novčane kazne iz st. 1. i 2. ovog člana mogu se plaćati u valutama koje se koriste u platnom prometu Federacije BiH, a tečajni kurs utvrđuje se na temelju podataka Centralne banke Bosne i Hercegovine i nadležne finansijske institucije.

Član 9.

Ovaj zakon stupa na snagu osam dana od dana objavljivanja u "Slu. benim novinama Federacije BiH" i primjenjivat će se do regulisanja ove materije na nivou dr. ave Bosne i Hercegovine.

Predsjedavajući
Doma naroda
Mariofil Ljubić, s. r.

Predsjedavajući
Predstavničkog doma
Enver Kreso, s. r.